



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 01-11-16-8-2/26 – ES/DE
Tuzla, 08.01.2026. godine

Na osnovu Zakona o trezoru Federacije Bosne i Hercegovine ("Službene Novine Federacije BiH" broj: 26/16 i 3/20 i 60/23), Zakona o unutrašnjem platnom prometu ("Službene novine FBiH", broj: 48/15, 79/15 i 4/21), Pravilnika o načinu uplate, pripadnosti i raspodjele javnih prihoda u Federaciji Bosne i Hercegovine ("Službene novine FBiH", broj: 54/20, 55/20-isp, 63/20, 88/20, 28/21, 56/21, 83/21, 1/22, 34/22, 57/22, 76/22, 93/22, 94/22, 10/23, 37/23, 81/23, 23/24, 36/24, 57/24, 80/24, 99/24, 29/25, 46/25 i 74/25), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Odluke o pokretanju postupka za dostavu ponuda za usluge poslovnih banaka za potrebe Zavoda zdravstvenog osiguranja Tuzlanskog kantona broj: 01-11-16-8-1/26 – ES/DE od 08.01.2026. godine, objavljuje se

JAVNI POZIV
za dostavu ponuda za
USLUGE POSLOVNIH BANAKA ZA POTREBE ZAVODA ZDRAVSTVENOG OSIGURANJA
TUZLANSKOG KANTONA

Pozivaju se sve zainteresovane Banke da učestvuju u postupku dodjele ugovora za izbor poslovnih banaka bez naknade, za potrebe Zavoda zdravstvenog osiguranja Tuzlanskog kantona.

1. KORISNIK USLUGA

Korisnik usluga: Zavod zdravstvenog osiguranja Tuzlanskog kantona
Adresa: Franjevačka broj 36., 75 000 Tuzla
Identifikacioni broj: 4209190940005
Telefon: 035/300-623
Faks: 035/300-623
email: emir.suljic@zzotk.ba

2. OPIS USLUGA

Zavod zdravstvenog osiguranja Tuzlanskog kantona (u daljem tekstu: Zavod) će izvršiti odabir 3 (tri) poslovne banke za otvaranje i vođenje računa za poslovanje Zavoda, od kojih bi jedna ujedno bila i depozitna banka Zavoda.

Računi koji su predmet ovog Javnog poziva, će biti raspoređeni kako slijedi:

- I Grupa:
 - 1. Depozitni račun
 - 2. Transakcijski račun - račun za redovno poslovanje na koji se prenose sredstva sa depozitnog računa na kraju svakog dana
 - 3. Račun za posebne namjene (Račun stalne rezerve)
 - 4. Podračun računa za redovno poslovanje (Tekući grantovi)
 - 5. Podračun za redovno poslovanja (Lijekovi)
 - 6. Račun za posebne namjene (Tekuća rezerva)

• II Grupa:

1. Glavni račun - stručna služba,
2. Račun za posebne namjene (Račun stalne rezerve)
3. Podračun u okviru računa za redovno poslovanje (primarni nivo zdravstvene zaštite)
4. Račun za posebne namjene (račun kapitalnih izdataka)

• III Grupa:

1. Podračun u okviru glavnog računa (ortopedska i druga pomagala)
2. Račun za posebne namjene (Račun stalne rezerve)
3. Podračun u okviru računa za redovno poslovanje (bolnički nivo zdravstvene zaštite)
4. Podračun u okviru računa za redovno poslovanje (ostali operativni programi)

Banka se obavezuje da za Zavod vodi račune koji su predmet ovog Javnog poziva kao **a'vista račun** (u daljem tekstu: a'vista račun), s punom raspoloživošću novčanih sredstava bez oročenja, bez vremenskih ograničenja pri raspolaganju i bez zadržavanja sredstava. Banka je dužna omogućiti Zavodu raspolaganje sredstvima na računu u skladu s važećim propisima koji uređuju bankarsko poslovanje i propisima Agencije za bankarstvo Federacije BiH.

Banka garantuje da se sredstva Zavoda vode na **a'vista** računu, koji ima karakter depozita po viđenju, te omogućava neograničeno raspolaganje raspoloživim iznosom u svakom trenutku, uključujući i elektronska plaćanja, platni promet i podizanje gotovine, bez posebnog odobrenja Banke i bez naknada.

Banka ne može jednostrano promijeniti status računa sa **a'vista** na oročeni ili drugačiji račun koji ograničava raspolaganje sredstvima Zavoda. Svaka izmjena koja se odnosi na status računa, raspolaganje, naknade ili ograničenja nije dopuštena bez izričite pismene saglasnosti Zavoda.

Status **a'vista** računa je neophodan zbog osiguranja stalne likvidnosti, kontinuiteta u izvršenju platnog prometa i nesmetanog obavljanja funkcija Zavoda kao javne institucije. Ovaj status omogućava instant raspolaganje sredstvima u skladu sa zakonskim i trezorskim obavezama.

a'vista podrazumjeva: raspolaganje sredstvima bez ograničenja, e-banking dostupnost (24/7, mobilno, web), dostupnost kanala (poslovnice/ATM/POS).

Opis usluga:

- a) Usluge prikupljanja javnih prihoda i drugih prihoda uključuju:
 - Prikupljanje poreznih prihoda i deponovanje istih na depozitni račun Zavoda;
 - Prikupljanje neporeznih prihoda i primitaka i deponovanje istih na depozitni račun Zavoda i
 - Prijenos prikupljenih sredstava na ostale račune u skladu sa uputstvom Zavoda.
- b) Usluge platnog prometa uključuju:
 - Isplata sredstava u skladu sa uputstvima Zavoda;
 - Prijenos sredstava na račune povjerilaca u skladu sa uputstvom Zavoda;
 - Mogućnost vršenja hitnog prebacivanja sredstava u roku od sat vremena, bez obzira na iznos u bilo kom vremenskom razdoblju;
 - Usluge elektronskog bankarstva i
 - Ostale usluge platnog prometa, uključujući i usluge otvaranja i zatvaranja računa.

Napomena: svi dostavljeni nalozi u toku dana trebaju biti obrađeni i realizovani u toku tog dana, odnosno do kraja radnog vremena banke.

- c) Usluge izvještavanja (u pisanoj i elektronskoj formi) odnose se na izvještavanje o transakcijama naplate i isplate javnog novca:
- Dostavljanje dnevnog izvještaja o naplati javnih prihoda koji će se pripremati u skladu sa važećim zakonskim i podzakonskim klasifikacijama prihoda i primitaka i klasifikacijama organizacija kojima pripadaju ti prihodi i primici;
 - Izrada dnevnih izvještaja o isplati sredstava u skladu sa uputstvima Zavoda;
 - Izvještaji treba da sadrže:
 1. broj naloga za plaćanje
 2. iznos
 3. broj bankovnog računa komitenta
 4. oznaku (broj) banke
 5. datum transakcije
 6. identifikacioni broj poreznog obveznika
 7. vrsta uplate
 8. poreski period na koji se odnosi naplata
 9. općina
 10. klasifikacijski broj primitka (vrsta prihoda)
 11. klasifikacijski broj organizacije (korisnika budžeta)
 12. ime poreskog obveznika
 13. svrhu uplate sredstava.
 - Izvještaji o stanju i prometu računa na određeni dan dostavljaju se u elektronskoj formi do 7 sati ujutro narednog radnog dana na e-mail adresu Zavoda: izvodi@zzotk.ba, u papirnoj formi su dostupni do 9 sati ujutro istog dana;
 - Elektronski izvještaji treba da budu dostupni u pdf, xls i **ras formatu** u skladu sa uputstvom Zavoda;
- d) Usluge tehničke podrške:
- Pružanje pomoći zaposlenim u trezoru Zavoda od strane kvalificiranih bankarskih specijalista kod potrebe za računovodstvenim usklađivanjima,
 - Učestvovanje bankarskog specijaliste kod uspostave sistema za finansijsko upravljanje na dnevnoj osnovi kako bi se osigurala integracija i interfejs trezorskog sistema sa operacijama i sistemima poslovnih banaka,
 - Razvijanje standardiziranih obrazaca za efikasno bankarsko procesuiranje i izvještavanje o poreznim i neporeznim prihodima i razvijanje standardiziranih obrazaca za efikasno bankarsko procesuiranje i izvještavanje o trezorskim isplatama.
- e) Poslovi depozitara:
- Obračun kamata na sredstva po viđenju.

Poslovne banke su obavezne izvršavati predmetne usluge **bez naknade** tokom cijelog trajanja ugovornog odnosa.

Dostavljanjem svoje ponude na ovaj Javni poziv, Banke prihvataju sve uslove i odredbe iz ovog Javnog poziva bez ikakvih rezervi ili ograničenja.

3. USLOVI ZA KVALIFIKACIJU

Uslovi koje banka mora ispunjavati su sljedeći:

- a) Banka je dužna obavljati predmetne usluge bez naknade, u skladu sa svim zahtjevima i uslovima iz ovog Javnog poziva;
- b) Banka mora posjedovati potrebne dozvole za rad;
- c) Banka mora biti u programu osiguranja depozita kod Agencije za osiguranje depozita BiH;
- d) Banka mora imati mrežu organizacionih jedinica u kojima obavlja platni promet na području Tuzlanskog kantona, od kojih najmanje jedna organizaciona jedinica odnosno poslovnica posluje na području Grada Tuzla;
Ovaj uslov je postavljen iz razloga što se i sjedište Zavoda nalazi u Gradu Tuzla. Ovaj uslov je neophodan radi osiguranja redovne i pravovremene dostupnosti bankarskih usluga, uključujući svakodnevno obavljanje platnog prometa, administrativne procedure i neposrednu komunikaciju sa ovlaštenim službenicima banke. Prisustvo poslovnice u Gradu Tuzla omogućava bržu reakciju u slučaju hitnih ili tehničkih problema, sigurnije upravljanje finansijskim transakcijama Zavoda, te efikasniju realizaciju svih obaveza iz ugovora. Uslov je u potpunosti opravdan stvarnim operativnim potrebama i proporcionalan predmetu nabavke.
- e) Banka mora imati pozitivno poslovanje (ostvarenu neto dobit) u posljednjih pet poslovnih godina;
- f) Ukupan kapital Banke na dan 31.12.2024. godine treba biti minimalno 350 miliona KM;
- g) Banka mora imati adekvatnost kapitala veću od 15%;
- h) Ukupna Aktiva Banke na dan 31.12.2024. godine treba biti minimalno 1,5 milijardu KM;
- i) Banka treba da je tehnički opremljena i osposobljena za kvalitetno pružanje traženih usluga, te mora imati odgovarajući informacioni sistem koji omogućava razmjenu podataka između Zavoda i Banke;
- j) Banka treba da je uspješno realizovala najmanje 3 ugovora koji za predmet imaju otvaranje i vođenje depozitnih i transakcijskih računa za klijente koji upravljaju javnim prihodima;
- k) Banka treba da ispunjava obaveze po osnovu direktnih i indirektnih poreza i doprinosa za penziono i invalidsko osiguranje i zdravstveno osiguranje zaključno sa 30.09.2025. godine;
- l) Banka mora dostaviti uredno popunjen obrazac za prijavu (Prilog 1);
- m) Banka mora dostaviti popunjenu Izjavu za sukob interesa (Prilog 2);
- n) Banka mora dostaviti popunjen Obrazac povjerljivih informacija (Prilog 3);
- o) Banka mora dostaviti Izjavu o ispunjenju kriterija podobnosti banke i ponuđenoj kamatnoj stopi na depozite po viđenju, na propisanom obrascu (Prilog 4).

4. DOKAZI ZA KVALIFIKACIJU

Dokazi koje Banka mora dostaviti u svrhu ispunjavanja uslova iz tačke 3. ovog Javnog poziva su:

- a) Izjava Banke kojom izjavljuju i potvrđuju da će predmetne usluge izvršavati bez naknade i u skladu sa svim zahtjevima i uslovima iz ovog Javnog poziva;
- b) Izvod iz sudskog registra ili dokument koji je ekvivalent izvodu iz sudskog registra kojim se dokazuje da je Banka registrovana za obavljanje profesionalne djelatnosti relevantne za predmet javnog poziva i Dozvola za rad izdata od nadležne Agencije za bankarstvo;
- c) Certifikat Agencije za osiguranje depozita BiH;
- d) Izjava banke o postojanju mreže organizacionih jedinica u kojima se obavlja platni promet na području Tuzlanskog kantona, od kojih je najmanje jedna u sjedištu Zavoda, odnosno u Gradu Tuzla;
- e) Izjava banke o ostvarenoj dobiti. Podaci moraju biti identični podacima iz finansijskih

izvještaja koji se dostavljaju nadležnoj Agenciji za bankarstvo i Izvještaj o poslovanju banke na obrascima koji su propisani u skladu sa Odlukom nadležne Agencije za bankarstvo – Bilans stanja i Bilans uspjeha/Račun dobiti i gubitka za 2024. godinu;

- f) Izjava banke o ukupnom kapitalu. Podaci moraju biti identični podacima iz finansijskih izvještaja koji se dostavljaju nadležnoj Agenciji za bankarstvo;
- g) Izjava banke o adekvatnosti kapitala. Podaci moraju biti identični podacima iz finansijskih izvještaja koji se dostavljaju nadležnoj Agenciji za bankarstvo;
- h) Izjava banke o ukupnoj aktivni. Podaci moraju biti identični podacima iz finansijskih izvještaja koji se dostavljaju nadležnoj Agenciji za bankarstvo;
- i) Izjava banke o tehničkoj opremljenosti i osposobljenosti;
- j) Referens lista banke;
- k) Uvjerenje nadležnih institucija da je Banka izmirila dospjele obaveze u vezi sa plaćanjem direktnih i indirektnih poreza i Uvjerenje nadležnih institucija kojim se potvrđuje da je Banka izmirila dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- l) Uredno popunjen Obrazac za prijavu (Prilog 1.);
- m) Izjava za sukob interesa (Prilog 2);
- n) Obrazac povjerljivih informacija (Prilog 3);
- o) Izjavu o ispunjenju kriterija podobnosti banke i ponuđenoj kamatnoj stopi na depozite po viđenju, na propisanom obrascu (Prilog 4).

Banka je, u sklopu svoje ponude, dužna dostaviti originale ili ovjerene kopije dokumenata (organ uprave – općina, sud ili notar) iz tačke 4. ovog Javnog poziva.

5. KRITERIJ ZA IZBOR

Kriteriji za izbor Banke je ekonomski najpovoljnija ponuda.

Podkriterij:

- Ukupan Kapital banke – učešće 40% (A)

Kapital banke predstavlja osnovni pokazatelj njene finansijske stabilnosti, otpornosti i sposobnosti da sigurno i nesmetano izvršava ugovor. Zbog direktnog uticaja na sigurnost javnih sredstava, podkriterij 'Kapital banke' opravdano nosi 40% u ukupnom bodovanju.

- Aktiva – učešće 35% (B)

Aktiva je ključni indikator snage, likvidnosti i kapaciteta banke za stabilno izvršavanje ugovora. Zbog direktnog uticaja na sigurnost i kontinuitet bankarskih usluga, podkriterij 'Aktiva banke' opravdano nosi 35% u ukupnom bodovanju.

- Broj poslovnica na području Tuzlanskog kantona – učešće 13% (C)

Broj poslovnica na području Tuzlanskog kantona boduje se dodjelom 1 boda za svaku općinu/grad u kojoj banka ima najmanje jednu aktivnu poslovnicu. Maksimalan broj bodova iznosi 13, koliko ukupno ima jedinica lokalne samouprave u TK.

- a'vista – funkcionalnost i dostupnost – učešće 10% (D)

Podkriterij **a'vista** (10%) obuhvata procjenu funkcionalnosti i dostupnosti raspolaganja sredstvima, uključujući mogućnost korištenja sredstava bez ograničenja, kvalitet i

dostupnost e-banking usluga (24/7, web i mobilno), te razvijenost mreže kanala (ATM/POS/poslovnice). Ovaj kriterij je ključan za nesmetano svakodnevno poslovanje Zavoda i osigurava operativnu efikasnost, brzinu i sigurnost transakcija, zbog čega opravdano nosi 10% u ukupnom bodovanju.

- Dužina poslovanja na području Bosne i Hercegovine – učešće 2% (E)

Podkriterij se uvodi radi vrednovanja kontinuiteta i stabilnosti poslovanja ponuđača na tržištu Bosne i Hercegovine. Duži period poslovanja ukazuje na pouzdanost, uredno ispunjavanje zakonskih i finansijskih obaveza te smanjen rizik za Zavod. Učešće od 2% postavljeno je tako da ovaj element pruži dodatnu informaciju o iskustvu Banke, ali bez značajnog uticaja na ukupan rezultat, čime se osigurava uravnotežena i transparentna evaluacija ponuda.

5.1. Bodovanje ponuda

Bodovi se dodjeljuju u skladu sa slijedećom formulom:

$$T = A + B + C + D + E$$

pri čemu je:

T- ukupan broj bodova;

A - broj bodova koji će Banka dobiti na osnovu Ukupnog Kapitala na dan 31.12.2024.godine.

B - broj bodova koji će Banka dobiti na osnovu Aktive na dan 31.12.2024.godine.

C - broj bodova koji će Banka dobiti na osnovu broja poslovnica na području Tuzlanskog kantona. Za jednu općinu odnosno grad, dodjeljuje se 1 (jedan) bod.

D - broj bodova koji će Banka dobiti na osnovu posjedovanja a'vista;

E - broj bodova koji će Banka dobiti na osnovu dužine odnosno vremenskog poslovanja na području Bosne i Hercegovine.

5.2. Način bodovanja po podkriterijima

5.2.1. Ukupni Kapital banke – 40% (A)

Formula: Bodovi A = (Kapital Banke / Najveći ponuđeni kapital) × 40

5.2.2. Aktiva – 35% (B)

Formula: Bodovi B = (Aktiva Banke / Najveća ponuđena aktiva) × 35

5.2.3. Broj poslovnica na području TK – 13% (C)

Za svaku od navedenih lokalnih zajednica u kojoj banka ima poslovnicu → 1 bod

Ukupno: 0 – 13 bodova

Primjer formule: Bodovi C = Broj općina u kojima banka ima poslovnicu × 1

5.2.4. a'vista funkcionalnost i dostupnost – 10% (D)

Podkriterij a'vista boduje se na način da banka koja ima uspostavljen a'vista sistem raspolaganja sredstvima po viđenju dobija 10 bodova.

5.2.5. Dužina poslovanja u BiH – 2% (E) – rang metod

Dužina poslovanja:	Bodovi:
Više od 10 godina	2
8–10 godina	1.5
5–8 godina	1
Do 5 godina	0.5
Novi učesnik / < 1 godina	0

5.3. Dodjela ugovora

Ugovori se dodjeljuju bankama koje su dobile najveći broj bodova slijedećim redoslijedom:

- Prvorangirana Banka, će biti izabrana za:
 1. Depozitni račun
 2. Transakcijski račun - račun za redovno poslovanje (transakcijski račun) na koji se prenose sredstva sa depozitnog računa na kraju svakog dana
 3. Račun za posebne namjene (Račun stalne rezerve)
 4. Podračun računa za redovno poslovanje (Tekući grantovi)
 5. Podračun za redovno poslovanja (Lijekovi)
 6. Račun za posebne namjene (Tekuća rezerva)
- Drugorangirana Banka će biti izabrana za:
 1. Glavni račun - stručna služba,
 2. Račun za posebne namjene (Račun stalne rezerve)
 3. Podračun u okviru računa za redovno poslovanje (primarni nivo zdravstvene zaštite)
 4. Račun za posebne namjene (račun kapitalnih izdataka)
- Trećerangirana Banka će biti izabrana za:
 1. Podračun u okviru glavnog računa (ortopedska i druga pomagala)
 2. Račun za posebne namjene (Račun stalne rezerve)
 3. Podračun u okviru računa za redovno poslovanje (bolnički nivo zdravstvene zaštite)
 4. Podračun u okviru računa za redovno poslovanje (ostali operativni programi)

Finansijska sredstava Zavoda će biti raspoređena na račune banaka u skladu sa Finansijskim planom Zavoda.

Napomene:

Jedna banka može biti rangirana samo jednom te nije dopušteno da ista banka zauzme više pozicija u okviru rang liste. Rang lista mora sadržavati različite banke po pozicijama.

Jedna te ista banka ne može istovremeno biti rangirana na više pozicija unutar iste rang-liste (prvorangirana, drugorangirana, trećerangirana), niti joj mogu pripasti višestruke rang-pozicije. Svaka rang-pozicija mora biti dodijeljena različitoj banci, a sve u cilju osiguranja kontinuiteta poslovanja, diversifikacije rizika, konkurentnosti i nesmetanog vođenja platnog prometa Zavoda.

U slučaju da izabrana banka iz bilo kojeg razloga privremeno ili trajno ne može izvršavati usluge iz ugovora, Zavod ima pravo aktivirati ugovor sa sledećom rangiranom bankom.

Ukoliko dvije ili više banaka ostvare isti broj bodova, prednost se daje banci koja ima veću stopu

adekvatnosti kapitala na dan 31.12.2024. godine.

Ugovori sa izabranim bankama zaključuju se na period od tri (3) godine, uz zadržavanje prava ugovornih strana za jednostrani raskid ugovora bez naknade odnosno bez troškova prijevremenog raskida ili bilo kakvih drugih troškova.

U slučaju da u ovom postupku broj ponuda bude manji od 3 (tri), Zavod će objaviti novi Javni poziv samo za račune u kojim nije bilo dodjele ugovora. Zavod zadržava pravo da novi Javni poziv objavi u skladu sa promjenjenim uslovima.

5.4. Osnovni podaci o prihodima i primicima Zavoda

- Ukupno naplaćena sredstava Zavoda u periodu januar-decembar 2024. godine iznosili su 369.287.911,52 KM;
- Prosječno dnevno stanje sredstava na računima kod poslovnih banaka iznosilo je cca. 38.712.521,73 KM (bez investiranih sredstava);
- Planirana ukupna sredstva Zavoda u skladu sa Finansijskim planom Zavoda zdravstvenog osiguranja za 2026. godinu ("Službene novine TK" broj: 16/25) iznose 414.964.263 KM.

6. NAČIN DOSTAVLJANJA PONUDA

- 6.1. Banka će dostaviti 1 (jednu) ponudu u originalu.
- 6.2. Banka je u obavezi dostaviti ponudu u zatvorenoj koverti, na adresu Zavoda.
- 6.3. Na koverti ponude mora biti naznačeno:
 - a) naziv i adresa Zavoda,
 - b) naziv i adresa Banke,
 - c) naznaka: „**NE OTVARATI**“

7. PRIPREMA PONUDA

- 7.1. Banke su obavezne da pripreme svoje ponude u skladu sa kriterijima i uslovima koji su utvrđeni u ovom Javnom pozivu. Banka ne smije mijenjati ili nadopunjavati tekst ovog Javnog poziva, a ponude koje nisu u skladu sa ovim Javnim pozivom bit će odbačene kao neprihvatljive.
- 7.2. Banke snose sve troškove nastale na ime pripreme i dostavljanja njihovih ponuda. Zavod ne snosi nikakve troškove Banke u postupku.
- 7.3. Ponuda i svi dokumenti kao i korespondencija u vezi sa ponudom između Banke i Zavoda moraju biti napisani na jednom od jezika u službenoj upotrebi u Bosni i Hercegovini. Štampana literatura, brošure, katalozi i slično koje dostavi Banka ne moraju biti prevedeni. U slučaju dostavljanja dokumentacije na stranom jeziku, Banka je obavezna dostaviti i prevod istih na jednom od jezika u službenoj upotrebi u Bosni i Hercegovini. Pod zvaničnim prevodom se smatra prevod ovjeren od strane sudskog tumača.

7.4. Ponuda se izrađuje na način da čini cjelinu i mora biti napisana neizbrisivom tintom. Ispravke u ponudi moraju biti urađene na način da su vidljive i potvrđene potpisom i pečatom Banke, uz navođenje datuma ispravke.

7.5. Ponuda mora biti čvrsto uvezana da se onemogući naknadno vađenje ili umetanje listova. Stranice ponude moraju biti numerisane odnosno označene brojem na način da je vidljiv redni broj stranice. Izuzetno, ponuda neće biti odbačena ukoliko su listovi numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih ovom Javnom pozivu.

7.6. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova. U tom slučaju svaki dio se čvrsto uvezuje na način da se onemogući naknadno vađenje ili umetanje listova, a Banka mora u svojoj ponudi navesti od koliko se dijelova ponuda sastoji. Kada ponuda sadrži više dijelova, stranice ili listovi se označavaju na način da svaki slijedeći dio započinje rednim brojem kojim se nastavlja redni broj stranice ili lista kojim završava prethodni dio.

8. IZMJENA, DOPUNA ILI ODUSTAJANJE OD PONUDE

8.1. Banka može prije isteka roka za dostavu ponuda svoju ponudu izmijeniti, dopuniti ili od nje odustati.

8.2. Izmjena i/ili dopuna ponude dostavlja se na isti način kao i osnovna ponuda s obaveznom naznakom da se radi o izmjeni i/ili dopuni ponude.

8.3. Banka može do isteka roka za dostavu ponude pisanom izjavom odustati od svoje dostavljene ponude. Pisana izjava se dostavlja na isti način kao i ponuda s obaveznom naznakom da se radi o odustajanju od ponude. U tom slučaju neotvorena ponuda se vraća Banci.

9. ADRESA NA KOJU SE PONUDA DOSTAVLJA

Zavod zdravstvenog osiguranja Tuzlanskog kantona Tuzla

Franjevačka 36, 75000 Tuzla

Telefon: 035/300-600

Faks: 035/275-373

E-mail: info@zzotk.ba

Web stranica: www.zzotk.ba

10. POVJERLJIVOST

10.1. Zavod traži od Banke da u svojoj ponudi navedu koje informacije se smatraju povjerljivim, po kojoj osnovi se smatraju povjerljivim i koliko dugo će biti povjerljive. U tom smislu Banke moraju napraviti spisak informacija koje bi se trebale smatrati povjerljivim - Obrazac povjerljivih informacija (Prilog 3).

10.2. Ukoliko Banka ne dostavi spisak informacija koje su povjerljive, znači da iste nema i njegova ponuda po tom osnovu neće biti proglašena neprihvatljivom.



11. ROK ZA DOSTAVU PONUDA

11.1. Krajnji rok za dostavu ponuda je 23.01.2026. godine do 11:00 sati, na adresu: Zavod zdravstvenog osiguranja Tuzlanskog kantona (75 000 Tuzla, Franjevačka broj 36.).

11.2. Ponude zaprimljene nakon isteka roka za prijem se vraćaju neotvorene Banci.

11.3. Banke koji svoje ponude dostavljaju poštom, preuzimaju rizik ukoliko ponuda ne stigne do krajnjeg roka utvrđenog ovim Javnim pozivom.

12. KONTAKT

Cjelokupna komunikacija i razmjena informacija (korespondencija) između Zavoda i Banke treba se voditi isključivo u pisanoj formi, na način da se ista dostavlja poštom, mailom ili lično na adresu naznačenu u Javnom pozivu.

Kontakt osobe su: Emir Suljić, dipl.ecc – 035/300-617
Almira Hurić, dipl.ecc – 035/300-619

13. PRILOZI:

Prilog 1 – Prijavni obrazac – Obrazac za ponudu

Prilog 2 – Izjava za sukob interesa

Prilog 3 – Obrazac povjerljivih informacija

Prilog 4 – Izjava o ispunjenju kriterija podobnosti banke i ponuđenoj kamatnoj stopi na depozite po viđenju



DIREKTOR


Doc.dr.sc. Denis Husić, dipl. pravnik

PRIJAVNI OBRAZAC
OBRAZAC ZA PONUDU

Naziv i sjedište Banke	
Adresa	
IDB/JIB	
Adresa za dostavu pošte	
E – mail	
Kontakt osoba	
Broj telefona	
Broj faksa	

IZJAVA BANKE

1. U skladu sa sadržajem i zahtjevima iz Javnog poziva, ovom izjavom prihvatamo sve odredbe u cijelosti iz Javnog poziva, bez ikakvih rezervi ili ograničenja.

2. Ponuda:

- Ukupan Kapital Banke na dan 31.12.2024. godine iznosi: _____

- Aktiva Banke na dan 31.12.2024. godine iznosi: _____

- Broj poslovnica na području Tuzlanskog kantona iznosi _____

- a'vista – funkcionalnost i dostupnost (upisati DA ili NE) _____

- Dužina poslovanja u BiH iznosi: _____



Pod moralnom i materijalnom odgovornošću, Izjavljujem da su navedeni podaci tačni i da su identični podacima iz finansijskih izvještaja koji se dostavljaju nadležnoj Agenciji za bankarstvo i Izvještaj o poslovanju banke na obrascima koji su propisani u skladu sa Odlukom nadležne Agencije za bankarstvo.

U prilogu ove Prijave dostavljamo Vam i ostalu dokumentaciju traženu tačkom 4. Javnog poziva kojom dokazujemo da ispunjavamo uslove iz tačke 3. Javnog poziva.

Saglasan sam da Zavod može izvršiti provjeru navedenih podataka.

M.P.

OVLAŠTENO LICE

(ime i prezime)

(potpis)

Mjesto i datum: _____

IZJAVA

Ja, niže potpisani _____ (ime i prezime), sa ličnom kartom broj: _____ izdatom od _____, u svojstvu predstavnika Banke _____ (navesti naziv Banke), ID broj: _____, čije sjedište se nalazi u _____ (grad/općina), na adresi _____ (ulica i broj), kao učesnik u postupku dodjele ugovora za usluge poslovnih banaka bez naknade, a kojeg provodi Zavod zdravstvenog osiguranja Tuzlanskog kantona, pod **punom materijalnom i krivičnom odgovornošću**

IZJAVLJUJEM

1. Nisam ponudio mito ni jednom licu uključenom u procesu postupka, u bilo kojoj fazi procesa.
2. Nisam dao, niti obećao dar, ili neku drugu povlasticu službenom ili odgovornom licu u Zavodu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u Zavodu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju.
5. Nisam sudjelovao u bilo kakvoj radnji koja je za cilj imala korupciju u toku postupka.

Davanjem ove Izjave, svjestan sam krivične odgovornosti predviđene za krivična djela primanja i davanja mita i krivična djela protiv službene i druge odgovornosti i dužnosti utvrđene u Krivičnim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

_____ M.P.

POVJERLJIVE INFORMACIJE

Informacija koja je povjerljiva	Brojevi stranica s tim informacijama, u ponudi	Razlozi za povjerljivost tih informacija	Vremenski period u kojem će te informacije biti povjerljive

M.P.

OVLAŠTENO LICE

(ime i prezime)

(potpis)

NAPOMENA:

Ukoliko Banke određene informacije/podatke iz ponude označavaju povjerljivim, odnosno poslovnom tajnom, dužni su da u ponudi navedu i pravni osnov na temelju kojeg su ti podaci tajni i povjerljivi.

U slučaju paušalnog navođenja u ponudi da se neki podatak/informacija smatra povjerljivim/tajnim, bez naznačavanja pravnog osnova na temelju kojeg su ti podaci povjerljivi i tajni, neće obavezivati Zavod da iste smatra takvima.



Naziv Banke: _____

ID/JIB Banke: _____

IZJAVA

o ispunjenju kriterija podobnosti banke i ponuđenoj kamatnoj stopi na depozite po viđenju

U skladu sa Javnim pozivom broj: 01-11-16-8-2/26–ES/DE od 07.01.2026. godine objavljenim na internet stranici Zavoda zdravstvenog osiguranja Tuzlanskog kantona (www.zzotk.ba) Ja, dole potpisani, kao ovlaštena osoba (u daljem tekstu: Banka), pod punom moralnom i materijalnom odgovornošću:

1. Potvrđujem da Banka izražava interes da, u razdoblju od tri godine od dana potpisivanja Ugovora, Zavodu obračunava i plaća kamatu na depozite po viđenju u visini od _____% na godišnjem nivou (kamatna stopa mora biti izražena na dvije decimale).
2. Potvrđujem da je dokumentacija koju dostavljamo po ovom Javnom pozivu (Izveštaji o poslovanju) istovjetna dokumentaciji koju smo u skladu sa relevantnim propisima dostavili nadležnim organima;
3. Svjestan sam da će Zavod odbiti učešće Banke u postupku odabira poslovnih banaka po ovom Javnom pozivu ukoliko smo Banka, odnosno ja, kao njena ovlaštena osoba propustili dostaviti ili dostavili pogrešne podatke u ovoj Izjavi ili odbili potpisati ovu Izjavu, ili ukoliko Zavod provjerom utvrdi da Banka ne ispunjava jedan od kriterija podobnosti navedenih u ovoj Izjavi.

M.P.

OVLAŠTENO LICE

(ime i prezime)

(potpis)